


2007-mi pisisinnaassuseq sanngiillisoq

Isertitat 2007-mi agguaqatigiissillugit 2,6 pct.-mik annertuseriarput. Akit qaffaataannut iluarsaraanni, piffimmi 1. januar 2007-miit – 1. januar 2008-mut tamanna 5,4 pct.-soq, taava isertitat pisissutaasinnaasut 2,6 pct.-mik appariarsimassapput. Taamalilluni pisisinnaassuseq 2007-mi sanngiilleriapoq. Tamanna "2007-mi isertitat pillugit kisitsisitigut paasissutissiani" Naatsorsueqqissaartarfiup maanna tamanut saqqummersitaani www.stat.gl takuneqarsinnaavoq.

Tabeli 1 2002-miit 2007-mut isertitanut naleqqissuut

	2002	2003	2004	2005	2006	2007
Isertitanut naleqqissuut, 2002 = 100	100,0	100,9	104,8	105,2	109,2	112,0
Atuisunut akit naleqqissuutaat, 2002 = 100	100,0	103,2	104,3	106,7	109,1	114,9
Isertitat naleqqissuutaat, 2002 = 100	100,0	97,8	100,4	98,6	100,1	97,5
Ukiumut allannguut (pct.)		-2,2	2,7	-1,8	1,5	-2,6

Titartagaq 1 2002-miit – 2007-mut akit, ilertitat isertitallu naleqqissuutaasa nikerarnerat



*Qeqqata kommuneani
kommunimilu Kujallermi
isertitat
qaffakkiartornerat
annerpaavoq*

2007-mi nunami sumiinneq isigalugu isertitat qaffakkiartornerat nikerarpoq, qaffariarnerillu annertuut pippit Qeqqata Kommuniani Kommunimilu Kujallermi malittariillutik agguaqatigiissillugit 3,1 pct.-mik 3,0 pct.-millu qaffariarfiusut. Kommuneqarfik Sermersuumi isertitat qaffariarnerat agguaqatigiissillugu 2,3 pct.-mik qaffariarfiuvoq.


*Qaanaami isertitat
appariarput*

Qaasuitsup Kommunian 1,5 pct.-mik siuariarnikinnerpaaffiuvuq, taamatuttaaq kisitsisit pineqartut nassuiaatissaraat kommuneqarfiup iluani nunamilu inissisimaffiit allanngorarnerat. Kangaatsiallu kommuneqarfikuani isertitat 5,3 pct.-mik qaffariarput, Uummannamili Qaanaamilu innuttasut isertitaaq agguaqatigiissillugit 5,3 pct.-mik appariarneq misigaat. Appariarneq annerpaaq pivoq siornagut Qaanaap Kommune-ani, tassani appariaat 2007-mi 3,9 pct.-uvoq 2006-mut naleqqiullugu. Eqqumiginangitsuuginanngilarlu, Siornagut Qaanaap

Kommune-ani isertitat qaffasiffiisa akornat 2002-mi 2007-mut naleqqiullugu qaffasinnerunerat.

Titartagaq 2

2007-mi isertitat akileraaruserneqartussat agguaqatigiissillugit kommuninut agguarlugit



Sermersuumi isertitat qaffasiffiisa akornat qaffasinnerpaavoq

Taamatuttaaq isertitat qaffasiffiisa akornata nalilersornera nunami inissisimaffiit aallaavigalugit allanngorartitsivoq. Taamaalluni Kommuneqarfik Sermersooq, inuit ataasiakkaat isertitaasa agguaqatigiissinneranni 210.000 koruuninik isertitaqarfiusoq, nunalu tamakkerlugu isertitanik qaffasiffiliussap 170.000 koruuniusumik kisimi qaffasinnerusumik isertitaqarfiusoq. Qeqqata Kommunian isertitat agguaqatigiissillugit 168.000 koruuninik isertitaqarfiuvoq, tassalu nuna tamakkerlugu isertitat qaffasissusiat naapertorlugu, isertitakinnerpaaffiuppullu Kommune Kujalleq Qaasuitsup Kommunialu malittariillutik agguaqatigiissillugu 146.000 koruuninik 133.000 koruuninilu isertitaqarfiusut.

Nunaqarfinni illoqarfinnilu isertitat nikinganerat annertuvoq

Illoqarfinni isertitat qaffasissusaat 179.000 koruuniusoq nunaqarfinni 98.000 koruuniuvoq, nunaqarfiit mittarfeqarfiusut Narsarsuaq Kangerlussuarlu ilanngunnagit. Paasinarsaraannilu imaalluni nunaqarfimmioq 55 øre-mik isertitaqarpat, illoqarfimmioq agguaqatigiissillugu 1 koruunimik isertitaqassaaq. Illoqarfinni nunaqarfinnilu isertitat taama assigiinngitsiginerat qanoq ukioqarnermut annertuumik tunngassuteqarpoq. Nalunngilarpummi sulisinnaasut 25-it 64-sillu akornani ukioqartut akornanni isertitat annertuumik nikingassutaat nassarisariaqartoq. Kisiannili ukiukinnerusut akornanni ukioqortunerusullu akornanni illoqarfinni nunaqarfinnilu isertitarisat agguaqatigiissillugit annertussusaasa qaffasissusaat assigiikannermat.

... pdf-filinngorlugu

Saqqummersitami **”2007-mi isertitatigut naatsorsuusiani”** Naatsorsueqqissaartarfimmut saaffiginnikkut piniarneqarsinnaapput imaluunniit pdf-filitut pineqarsinnaallutik Naatsorsueqqissaartarfiup saqqummersittagaatigut www.stat.gl.

E-mailimut ilaasortanngorit

Siunissami kisitsisitigut paasissutissanik nutaanik ilisimatinneqartarusukkuit, qarasaasiakkut allatanik nutaarsiassaasivipput ilaasortanngorfigiuk: Iserfigiuk www.stat.gl Ammakkavit qulaani qineruk **”Tuniniaadneq Sullissinerlu”** malittuanillu **”Pisartagaqarnermi sullissivik”**. Taava siunissami kisitsisitigut paasissutissat nutaat tamanut saqqummiunneqarnerini e-mailikkut pissarsisinneqartalissaatit.

Annertunerusumik paasisaqarusukkuut saaffigisinnaavat siunnersorti Søren W. Børgesen oqarasuaat 36 23 78 (toqqaannartoq) imaluunniit e-mail swbo@stat.gl atorlugu.

Inussiarnersumik inuulluaqqusillunga

Søren W. Børgesen
Siunnersorti